



Optuženi Beglerović, Smajović, Karić, Beganović i Muhović U VELEŠIĆIMA OPRALI 4,5 MILIONA KM?

Sarajevsko tužilaštvo okončalo je krivičnu i finansijsku istragu u predmetu Mikro kreditne organizacije LOK, te je podiglo i dostavilo Kantonalnom sudu u Sarajevu na potvrđivanje optužnicu protiv Nedžada Beglerovića, zamjenika direktora Mikro kreditne organizacije LOK, Zaima Smajovića, Ensada Karića, nekadašnjeg direktora Autocesta FBiH i bivšeg dužnosnika LOK-a, te Alema Beganovića i Nedžada Muhovića, zbog su-

mnje da su počinili krivično djelo zloupotrebe službenog položaja ili ovlaštenja i krivično djelo pranje novca. Podsjetimo da je istraga pokrenuta zbog sumnje da su kupili nepostojeći poslovni objekat u Velešićima, gdje su navodno oprali 4,5 miliona maraka.

Državna agencija za istrage i zaštitu (SIPA) podnijela je Tužilaštvu BiH još 14. decembra 2012. godine izvještaj o počinjenom krivičnom djelu protiv

11 fizičkih i šest pravnih osoba, osumnjičenih za pranje novca. Tužilaštvo BiH je prosljedilo predmet Tužilaštvu KS-a, koje je i donijelo naredbu o provođenju istrage.

Mediji su ranije objavljivali da je sumnjive transakcije u vlasništvu LOK-a prva primijetila i prijavila Agencija za bankarstvo FBiH. Prema podacima SIPA, MKO LOK u sedam sumnjivih transakcija uplatio je firmi Ing Kaktus 4.565.201 marku. **A. B. Č.**